

續修四庫全書



《續修四庫全書》編纂委員會編

續修四庫全書

上海古籍出版社

一五四八・集部・別集類


小匏庵詩存六卷卷末附一卷〔清〕吳仰賢撰……………一

黃鵠山人詩初鈔十八卷〔存卷一至卷七、卷九至卷十、卷十二至卷十八〕〔清〕林壽圖撰……………八七

補勤詩存二十四卷首一卷續編五卷〔清〕陳錦撰……………二五三

勤餘文牘六卷首一卷續編二卷〔清〕陳錦撰……………五一七

小匏庵詩序



本宅發兌小匏庵詩序
共計七本實洋伍用

小匏庵詩序

往時曾文正師嘗與余言 國家三載一開科得舉人進士如千人其外任封疆內臬卿貳者每科必有之但有多寡耳至於文章行世著述傳後者或一科無一人焉或數科無一人焉殆所難者在此不在彼乎余初聞斯言笑而不信也既而思之余自道光十七年應丁酉科鄉試副名榜越七年至甲辰 恩科而舉於鄉又越六年至庚戌科而成進士中間先兄壬甫太守又於癸卯科領鄉薦余於此四科者皆得稱同歲生約而計之殆不下四千人矣其外任封疆內臬卿貳者指不勝屈而求如文正所言文章行世著述傳後者果幾人歟文正難易之說或者其信乎雖蓄此說不敢聞於人乃今以序牧騶吳君之詩君固先兄壬甫癸卯同年也後余一科而成進士入詞林改官

小匏庵詩序

滇南由縣令陟郡守權觀察使是時滇事方棘使君得竟其用屏藩節鉞安知不在指顧間歟乃之官未久即引疾而歸歸而徜徉於鴛湖烟水中以文字自娛手定其詩曰小匏庵詩存六卷刻以行世而問序於余余讀其詩蓋滇中之作居其大半憂時感事之作與夫採風問俗之詞所謂詩史者也雖至高卧鄉山而念大難之初平憫瘡痍之未復所作新樂府諸章沈著則老杜也條暢則香山也異乎世之妃青儷白以爲工者嗚呼是可傳矣使文正之言而信則此六卷詩亦足自豪視世之高牙大禱者果孰難而孰易也哉余因序君之詩而有感於文正之言惜文正已騶箕天上不及以君之詩而一質之也光緒己卯四月德清俞樾撰

小匏庵詩存

〔清〕吳仰賢撰

據復旦大學圖書館藏清光緒四年刻本影印原書版框高一八〇毫米寬二七八毫米

小匏庵詩序

吳牧騶觀察爲余壬子同年詩有幽燕壯士氣酣歌擊筑旁若無人及由庶常散館改官滇南從秦蜀入黔以達昆明永天躍馬壯遊萬里所過多名都邊徼阻隘形勝之地山川崎嶇僕馬瘡痍登臨弔古或興感時事抑塞不平之氣一發於詩故其音節蒼涼波瀾老成與古作者頡頏愈唱愈高昔龍門子長足跡遍天下而文氣奇宕張燕公謫岳州詩逾悽惋子美入蜀東坡鳳翔諸作並奇峭恣肆則信乎江山之助而君之爲詩人殆又天巧相位置而非會逢其適也所至有政聲旣而擢太守備兵迤東稍稍得展其抱負當是時粵賊毒痛南服捻回搖蕩中原滇池亦棘回患宇內雲擾風聲鶴唳哀鴻殲鼠雜然紛接於耳目雖蘭成之哀江南孝穆之念家室漫叟之示官吏少陵之慨

小匏庵詩存序

十

兵間殆無以過當事方亟倚重而君遽思蓴菜鱸魚則又取道黔蜀下楚入汴而歸向之所爲稱亂者漸次削平瘡痍未復憂世憤盈蓋出入十餘年往返二萬餘里詩已哀然成帙矣掌教永郡移居魏塘脩然自適溫然與人交庶幾襲美魯望司空表聖之流其必以詩傳無疑也余藩浙之明年君持小匏庵集六卷見示屬爲評定受而讀之古體長於諷諭樂府尤勝近體七言源出大厯十子復善學山谷韻采在臥子梅村之間至於五言辨香工部風調清深格律適上開闔動宕漸近自然不知視曝書亭爲何如絕句時有神韻得唐人三昧覃思孤詣具見匠心彼率爾操觚者固當望而卻走奚啻作三舍避哉余豈敢任定文之責爰辭不獲則因君之詩以求君之爲人因君之涉歷以論君之詩倘亦得其梗概云爾光緒丁丑十月朔年愚弟古

鄺衛榮光拜撰

小匏庵詩存序

十一

題詞

大著思清筆健理勝詞映復有溫厚篤雅之致幽衍雋永之味
工力兼到美善備臻金陀園懷古四章尤覺遠接玉溪近攀漁
洋斷非時流所能夢及至於滇中諸咏皆能得長慶集樂府之
神不僅文潛一派也莊誦數十過頓覺窗几間雷金石聲益中
綠萼梅栩栩欲動可謂韻致矣已未正月十二日識於滇南五
華試院之補巢泰州和甫吳存義

小匏庵集諸體咸備蓋多師以爲師者而溯厥歸墟大抵本溫
李之麗情兼范陸之別致而又參之新城秀水以極其神韻漱
其英華故秀骨天成絕無塵瑣近時作者未能或之先也昆明
菊君孫清元

捧讀全集清麗芊眠中丰骨仍復不減此詩家正則也五七古

小匏庵詩存 題詞

渾成深厚典雅端莊尤擅勝場鄙性亦耽吟咏對此天人并到
真不啻小巫之見大巫也孝感仲山熊家彥

盟誦大箸涵泳數過婉折深秀渾然天成五七言今體與玉溪
生沆瀣一氣其次者亦原本於竹垞氏不愧爲鄉先輩嗣音古
體要眇處儼然以浣花一叟自命深厚質直能得少陵之滴髓
傳非虎賁中郎之似也近來譚藝繆輜風雅荆榛卽有一二耽
於吟詠者亦不過拈紅鬪紫弄月吟風雕琢字句以矜工巧奚
當於三百篇之旨哉作者游藝邊陲憑弔兵燹處憂患而不生
怨誹紀風土而不涉浮夸回旣倒之狂瀾作後賢之津筏其有
裨於人心世道非淺渺矣綴墨數行以志傾倒同治四年歲次
乙丑如月甲戌日陽湖秋史湯成彥

小匏庵詩存目錄

卷一

古近體詩一百十三首

卷二

古近體詩一百十九首

卷三

古近體詩一百四十八首 附一首

卷四

古近體詩一百四十八首

卷五

古近體詩一百三十首

卷六

古近體詩一百十七首

卷末

附存集杜詩二十三首集蘭亭序詩七首

小匏庵詩存卷第一

嘉興 吳仰賢 牧騶

謁陸清獻公祠

勝國丁陽九東林道不昌甘陵搜部黨端禮榜朝堂拾燼餘灰
冷爭鳴瓦釜狂

聖朝復元古正誼暴秋陽一老應期出斯文賴有光微言紹濂
洛眞脈訂念黃石圖史非干祿科名動上方儒爲鄒魯大吏
是漢唐良末俗輕爲縣先生獨守綱觀風酌奢儉布政劑柔剛
蕩蕩天門啟戢戢柱史揚恥慙懲惡棒時整上書囊道大憎多
口時清遂故鄉名山豈初念吾黨復周行堂啟三魚瑞經摧五
鹿銕河汾官不達夾深志尤長白髮 朝端重青編海內藏門
人悲伯起

小匏庵詩存卷一

天子問馮唐廡祀尊儒席芳隣近墨莊泖湖秋水闊風幔桂花
香蠹簡仍容撫龍門不可望忠宣有祠廟千載足相當

小樂府四首

太史簡

杵無君臣有弟有賊不討臣所恥臣職載筆敢畏死風決決水
揚湯水枯石爛塵飛揚此簡壽與東海長

董狐筆

君焚吶臣焚門兩焚相逐不如臣焚驟彼焚雖猛尚可當臺上
之丸亦莫能傷咄咄董狐筆底有飛霜夏日逢爾無晶光

張良椎

刺客死有力士兵器毀鐵椎起奮椎欲碎祖龍首可惜祖龍脫
免走首未碎膽已寒六國並起來助韓君不見劉季劍陳勝竿

蘇武節

朝爲持節使暮作牧羝兒願主千萬壽謁主或有時年年歲歲
北風怒持節歸來節如故阿母已死烏莫哺白頭哭拜茂陵樹

飲田家

野老歡迎客行陌上遲瓜壺香晚圃雞犬樂清時春色牀頭
漉長腰屋角炊呼兒纔歸艇夜話更相期

煙雨樓納涼

炎夏意不適命儔訪水寺湖樓峙中流輕舟纔階次喬木交午
陰微風蕩花氣僧開青豆房坐我清涼地南矚芒村長北眺杉
閣翠來帆凌煙霏去棹入荷芰軒臺疲累陟陟磴蹉跎既容
阮藉狂不礙山簡醉須臾月東出隣船起清吹

西水驛謁鄂王祠

小匏庵詩存卷一

綽楔旌忠大字墓

文宗顯皇帝賜額曰顯忠靈旗照水似西湖秋花豔灝
蕤宏血祠中雜冠花玉座寒森溫序鬢櫝底尙藏高廟敕宋高廟
宗手紅於他處階前未鑄佞臣軀年年家祭陳銅爵慰得黃龍痛飲無宋高廟

王孫郭侯所製今藏祠內

影僧柱

在西水驛石坊上相傳明季土兵掠婦女扇閉寺內某
僧俟渠長出憐而放之歸則大怒縛僧石柱上攢射死
之血沁石上如僧狀至今不滅陰值雨尤顯

佛法神通能伏虎豺狼胡然踞殿廡齋房閉置千蛾眉粉怨珠
啼淚如雨橫行柰此羣小兒惜少夫人百道乳老僧擲杖哀無
辜手撼銅鋪亟排戶盡揮嬌鳥出樊籠酋帥歸來大叫怒豐干
饒舌死何辭束縛高懸華表柱萬鏃激射攢蝟毛石破天驚血

肉舞尸陀變相真怖人宛結跣影可撫恨碧千年耿不磨頂上圓光爛如許吁嗟乎睢陽齒南八指同此血忱不怕死成佛作祖與生天總是人間血性子

金陀園懷古

三字奇冤慘顛天摩抄祖硯泣遺編中原馬角燕丹夢一棹鴟夷范蠡船南渡衣冠支半壁東山絲竹遺殘年蕭森宰樹西冷上落日寒煙望墓田

勸農冠蓋列洲汀別墅城西構竹亭月落小池天水碧春歸老樹太師青幾聞將相談恢復一臥田園任醉醒桂子荷花無恙在耆卿舊曲不堪聽

細柳新蒲汴水旁銅駝荆棘滄桑幾樓夜雨夢梁錄良獄西風花石綱玉楮吟成琴調苦銀瓶墮後井泥香六陵魚豨人間

小匏庵詩存卷一

三

出幾樹冬青易斷腸

曹公橫槊寄豪情倦園新開竹石清異代詩孫配初祖一時酒社偏名卿庾園亂後黃塵隔江令歸來白髮盈拂水定山游禊地可憐都作豬淵生

借玖筠七弟避亂武康

時道光壬寅庚寅丙犯

青山一桁引湖光柔艣聲中下武康十丈危橋編竹輦千家黔突焙茶香南朝曲記前溪舞東野詩吟游子裳更有洞天誇白石閒雲孤鶩落橫塘

縣無城郭繞邨居小市喧呼但賣魚署冷官如蕭寺佛地貧士讀越人書遺民愛說防風孝縣為古防風國至今居民祠祀甚忠孝不能兩全云云雖附會且謂防風之族以母病失期會可笑猶見土人私愛其主也羈客遙愁舊雨疏回首由拳烽火未息對牀夜話月窺廬

山中聞笛

明月流空山林間奮哀笛窈窕思美人音響亦何激遠引乍悠揚代轉忽凌轢鬱勃洄沈憂駘蕩宣餘戚悲泉下潺湲衰林振析析無情尙感觸志士益慘惻盛年臥雲壑中夜起呵壁雜奏易爲歎孤音悵誰適褰裳求同調遙岑阻良覲緬懷柯亭棧行坐爲歎息

題文後山扇頭畫舞蛟石

千歲虎魚化爲蛟眼校睨頭尾交不知何年謫下成頑石乃在太僕祠前之堂坳枯藤絡危脊斑駁沒青骸賦形狡獪不可寫誰能塗抹調松膠衡山後裔老畫客乃向扇頭窮刻畫只如馬遠一角山縮筆何嫌眼界窄吾聞僧繇好畫龍往往破壁飛遙空況今出入懷袖中會見兩腋生清風不用入招涼館亦不

小匏庵詩存卷一

四

用入廣寒宮但將此扇一揮霍寒雨陡從天半落滿屋陰森類邱壑

舟過長安壩

上湖與下湖中隔如蜀隴單隄築土成高阜囊沙壅分水閘坂懸截流鐵鎖重檣帆兩相望檣桿那得擁陸地忽行舟舫智誰作俑架木岍東西屹若雙闕拱圓機轆轤施長繩綏轡總夜半艇子來千百相接踵攘臂競先登裹足不敢踊張燈喚役夫赤腳來何勇手擲青絲絆組織自膠輦船作鵲退飛舵尾緊相攏百丈牽兩頭駟豈朽索恐尙僂腰環環邪許聲洶洶緩若躡磨牛屏氣局是捧急若追風駒縱步塵忽墮九折坂路艱七盤嶺勢聳泥濘不前沃水呼斗桶三刻爭踰溝四顧喜登壟初如許虎癡倒曳牛使動繼若蜀五丁怒拔蛇出孔逆上得寸遲過

險相視疎俄頃臨懸崖輕便出破塚流丸止區與瀉地走鉛汞
一落十丈強濤聲驚瀕洞進退難易殊下流慎闢茸才上水
船空慙髮總總呼僕整茶鐺燒燭檢書籠反側夢不成榜歌雜
囉嘖何如騎寒驢亂山任倥傯

孤山謁林處士墓

封禪書差上湖山性所耽水仙應配食彌勒可同龕金粟道人
墓梅花和尚庵高風有繼起弔古一停驂

謁表忠觀

已埽偏安局仍開節度祠湖山畱故土毛髮動英姿潮落江干
靜花開陌上遲遺民十四郡笳吹拜靈旗

游海昌陳園

遠尋王謝舊時堂自笑身如燕子忙丙舍孫依通德里午橋人

小宛庵詩存卷一

五

指相公莊塵封壞閣無行馬草長顏垣有牧羊老樹百年同守
吏翠華親見幸山房

招提

招提遠塵市整屐一追尋僧比老農拙水環茅屋深暖風浮麥
氣遲日轉松陰寂坐蒲團久茶香清道心

江口

歷歷山椒樹舒舒舵尾旗江空秋月大風定夜潮遲津鼓鳴瓜
步漁舟唱竹枝明朝須早渡夢想掛帆馳

梅花嶺弔史閣部

松相平陵弔義公當年國事誤狂童高黃可識調停苦馬阮虛
爭擁戴功生不發名降表裏死惟灑淚淚訣書中
聖明特許刊遺札大義春秋賴教忠

鄒縣謁孟廟

楊墨方橫議天心屬主持大功神禹配正學仲尼師祠卜三遷
舊書看百子卑如何嗜奇客只訪嶧山碑

冠冕行

道光戊申秋野冕千百爲羣自北飛來絡繹不絕所過
地方食田禾幾盡明年夏浙西大水蓋禽鳥得氣之先
故能隔歲示兆按方勺泊宅編載方言云齊魯之間凡
物盛多謂之冠註云今江東有小冕其多無數俗謂冠

冕陸龜蒙集有禽暴一篇正爲野冕害稼而作因作冠
冕行

野冕戀菰蒲不識謀稻梁何爲棄汝巨浸冠我鄉我鄉禾熟將
登場今夏旱潦苦交作猶幸高下田無蝗汝冕一朝率醜類大

小宛庵詩存卷一

六

肆蠶食何猖狂老農拍手救不得持竿遠逐走且僵南邨飽啖
北邨徒穢穢鼓翅爭高翔爭高翔莫浪喜前有銳頭兒腰間挾
弓矢又張網與矰伺隙深樹裏汝腹一飽能幾何汝羽一鍛辭
烟波明朝縮頸臥湯鑊那能還汝江湖樂

禾郡大水紀災

道光廿九載五月歲己酉梅炎蒸溼土大雨晝昏黝始驚震檐
牙繼若決海口漲添一丈高霖過三日久牀下徙蟻蟻離邊溺
雞狗怒蛙踞竄鮒跳蝦游炊白開門白漫漫街衢了無有連亘
搭浮橋竹木雜枯朽轉側憂有聲行人偃偃走遙望郭外田波
浪勢何陡若四海五湖浩蕩地難負稍辨西北樓盡失東南畝
是時及分秧分秧芒種後耘耔尚未歲萬頃長芹茹亟思諱狂
瀾築隄集儕耦千夫奮泥沙百丈伐椽柳類勇士赴敵攘臂各

赴息壤陸洪一潰終難守邨中諸父老人訴縣父母縣令亦無策祈禱望木偶毒龍氣方驕百靈不執咎平時催科吏持符肆哮吼今日利復怨一閭誰指喉藏匿鼠不如堂堂遭擊培我我少司空空望吾鄉首沈鼎甫寄書中丞公時撫吾先生大呼乞援手郡中百萬戶舍稠易升斗過羅自守計所見等暗嘆移粟古良規廬揚產米數放稅請諸朝母聖商賈肘中丞愷梯人報書比瓊玖即日三薰沐陳疏籲我后曰臣實無狀溺職顏有忤德薄召灾戾義當聽彈糾古今救荒策利弊待分割伏望簡賢僚臣愚讓印綬天子降明詔字嚴意何厚春秋責備辭大義詰可否時中丞遇災恐懼上疏自劾求罷奉旨切責朝退告司戴白金出竊糞黃封重馬來發賑泣童叟我師朱邑儔文章古歐九朱述朱之師時慷慨任其事戒勿積習扭同官得江統真摯無出右江帳

小匏庵詩存卷一

七

樵先生時青鞵走窮鄉疾苦問蒼蒼博濟自古難餘資賁殷早見義執勇為姚丈吾執友苗秋萬緒首一擲餘子各抖擻窮戶有等差標識某邨某按籍授之糧若網挈綱紐五日錢一囊十日粟一缶里胥或侵漁道旁立械柵所冀種春麥明歲獲飯糗我鄉本澤國萬派共翁受洩水在疏通速拔斷與留諸公好善心充類意不苟丹藥起疲癯黃口代穀穀以此免流離未覺故里醜腐儒坐漏牀憂時廢飲酒魚蝦賤如泥勝食庾郎韭為續皮陸詩哀響振戶牖襲美詩各百韻

淮陰釣臺歌

三尺劒泗上起能斬道旁蛇不擊宮中雉秦鹿既斃楚猴死雉雛宮中大風止定陶美人變作鵠何況淮陰功狗耳淮水去迢迢西流跨下橋橋下少年尙垂釣見我擲竿把臂笑登臺呼酒

酌韓侯拔劒四顧心中愁韓侯韓侯爾何生死鄉寄女子手一厄南昌亭長妻再厄泗上亭長婦千古傷心彼婦口我今哀歌淚盈缶識英雄者誰一漂母

庚戌春闈被放偕同人小飲

李白得名非進士衛青不貴亦常奴眼中無限雞蟲事一笑相攜就酒釀

望夷宮

望夷宮中鼠變虎手刃一主易一主漢十常侍不足數巽起一擊若腐鼠羣奸斂手暗無語四十六日爭幾何手持璽綬項係組天實亡秦何責汝嗚呼亡秦者胡非子嬰嬰亦有才能用武不然降作安樂公何足重汚項王斧

臺城

小匏庵詩存卷一

八

同泰金錢等鹿臺壽陽白馬一朝來蕭郎忍把江南捨更有何人贖得回

石敬瑭

石郎爾何為不作唐家婿願作可汗兒可汗勅兒作皇帝兒前上壽割幽薊明年翁怒索戰來新婦持孫哭蕭寺吁嗟乎江山如此付兒戲作兒何如作婿易作婿還爾節度使

齊宮

錦綉綠牖那知愁射雉場開接御溝殿上笙歌猶待曉堂前楊柳已驚秋玉環早自忘高廟璇室何勞祀蔣侯尙喜當鍾潘市令琵琶不抱去灣頭

陳宮

王氣俄收三百年妖禽啼斷蔣山前樓船莫決將軍策酒座仍

飛狎客箋一虎突摩江上壘六龍迴幸井中天可憐神底東封表老向楊家乞備員

隋宮

呼韓稽首百蠻通顧盼居然蓋代雄鐘簾不延秦二世樓臺直駕漢諸宮河汾老去遺書在遼海歸來大業終千載刊溝舟楫利無人解頌阿慶功

文選樓

蘭陵家世愛操觚按轡龍樓問典謨蕭相圖書南渡在梁園賓客北朝無斯文幸免青絲劫大業終虛赤伏符古寺舊傳四百六貝經零落賸寒蕪

籌邊樓

烽連南詔蜀人愁使節西來控上游劍外詩情一品集壁間圖畫萬山秋款關行賁蒲梢馬秉軸偏逢閣道半落日鵲啼無限淚登高何處望崖州

半間堂

手勅還朝泣挽衣甘泉從此奏書稀全軍痛哭樊城戰上相笙歌葛嶺歸誰指黃龍籌北伐忽驚白鴈已南飛千秋蟋蟀聲如舊啼徧吳山草不肥

鈴山堂

十年巖谷託名流季子書成出宦游空以青詞干北闕屢持黃紙問東樓無刑可懾椒山膽有藥難醫沈鍊頭冷落終南一條徑猿啼鶴怨幾春秋

大興宛平雨縣應京兆試者半非土著時嚴攻冒籍有捷南宮而不得應 殿試者詩以諷之

炎漢四都建策初曾遷豪傑入關居如何四海同文日輦下猶聞逐客書

挽林文忠公

海內蒼生望如公有幾人安危宣力地生死救時身往歲巡交廣陽侯起戰塵漏卮 朝議惜禁網島夷嘆勝算無全寇餘氛震四隣蜚言捷卽墨直道忤平津遂有輪臺遣難容魏闕陳置屯充國老出塞伏波貧

宣室虛前席

溫綸召舊臣官仍節度使喜見玉關春一病辭雙闕扁舟下七閩今

皇最神武專閭必親掄嶺外愁微側 朝端借寇恂東山其憂樂南伐敢遂巡傳箭先聲奪馳書大義伸壺頭功未竟箕尾化

小苑庵詩存卷一

十

爲神痛惜頌

天語號呼到海濱精誠畱秦贖風度想綸巾袞袞登壇選蕭蕭戰馬辰諸公憂國計何以答 楓宸

訪梅里曝書亭

昭代文章伯嘉禾大布衣風流歸老輩勝會覺今非相國清芬遠英聲早歲飛江山逢格鬪裘馬恥輕肥旅食悲王粲高文擅陸機羣書耐枕莊餘藝散珠璣 仁廟垂裳日徵書驛騎駢鄒枚仍接踵巖谷一生輝作賦趨深殿承

恩傍禁闈遷爲牛馬走甫謝鳳凰儀苒苒何騰謗翱翔早見幾羣公交口惜十載拂衣歸送老憑書帙浮家近釣磯江湖重載

酒松菊屢開扉大集齊蠶尾清詞繼合肥斯人眞作者過客益
獻款丙舍諸孫老中郎遺籍稀

天章重研博大雅絕攀依猿鶴難重識此蜉蝣敢肆譏交池與槐
汧流照幾斜暉

消夏詞

桔槔聲裏插秧歌漁網斜拖打槩過一夜腥風吹猛雨明朝小

市白魚多五月間俗傳白魚過必有大雷雨

今歲益荷太不情只撐高葉兩三莖雖然辜負看花興卻助芭

蕉戰雨聲

消閒何處費商量除卻甜鄉祇醉鄉一飲頽然踈脚臥不知人
世有炎涼

愛聽苦吟一箇蟬歌涼去揀綠楊邊莫言蒲扇今年賤未抵清

小匏庵詩存卷一

上

風不要錢

義犬行

上海令袁公祖憲爲隨園太史孫有政聲土匪小鏡子

者粵產也素不法公按之撻幾斃爲豪家某保釋去遂

糾衆作亂寅夜突入縣署僕役輩聞變駭走公出叱賊

遂遇害署畜犬五當賊之股公也奔嚙唐突若捍衛然

賊散則守屍不去士民入殮公五大俯首嗚嗚作銜哀

狀殮畢均不食先後斃咸豐癸丑八月事

天狗鳴國狗驚磨牙反噬胡猙獰袁公鐵面威錚錚力能服猛

手長纓一朝縛虎復縱虎羆狼嗥呼入官府神羊一角難枝梧

禽驚獸駭亡其伍夜半力竭死節時無一義士有犬五大犬不如
人寸鐵無能出死力衛遺軀枕屍慟哭若有意忍饑待斃忘其

愚君不見舊時僮養十九走安樂則其憂患否可以人而不如
狗嗚呼此狗論功當封關內侯西堂雜俎有戲封彼何人哉爛

金陵咏明季事

半壁江山擁漏舟連宵風鶴逼揚州清流鈞黨同文獄狎客傳

箋結綺樓東廠閹兒猶有種南朝天子例無愁史公拜表專征

後誰更新亭泣楚囚

禁庭擾擾伏青蒲兩案傳疑事有無天上前星驚貫索宮中舊

釵泣靡蕪九江飛檄來方鎮一夜降幡出故都扶眼東門彈指

頃方黃墓草未曾枯

雨後過楞嚴寺

梅雨幾日天放晴竭來古寺三人行石幢黝碧尙津潤粉壁赭

小匏庵詩存卷一

上

黃偏眼明梧竹出檐木魚響葡萄壓架松鼠鳴佛廊小坐啜苦

茗兩腋頗覺清風生

得馬雲雛延梧粵中書賦寄

少小論文識馬周兩年不見起余愁詩人唐宋多踰嶺客路機

雲恰共舟令兄夢餘能斂才華方是學最防瘴癘莫傷秋竹枝

定有新篇出付與珠孃唱酒樓

從叔蘇門山人相琴圖西陽雜俎琴有氣常識一

相馬輒言良誰能外驪黃相士輒言佳誰能外形骸臣叔矯矯

山人姿眼光四射窮妍媚金銀刮後陋皮相妙旨直契桐與絲

手中尺幅誰畫是若有人兮撫琴視云據色相參禪祥正變不

煩端宮徵我聞萬物顯晦皆有緣隨人流轉劇可憐落花茵溷
定位置人固有之琴亦然琴兮琴兮但願隨戴安道一朝玉碎

全其實不願隨桓君山繁聲獻媚羞老顏麻衣柳莊今不作祕
訣解人已難索焉肩火色埋風塵爨下焦桐復誰覺嗚呼相琴
不如先相人物色成連期海濱不爾當學陶淵明無絃中含太
古春蕭然頓忘我相存

喜錢子方所養子密兄弟告假歸

東風無恙卻征鞍重晤機雲一倍歡別後詩篇盈篋行歸途烽
火照江干宦游未信長安易時事真憂來日難更憶南州徐孺
子三年不共酒杯乾謂徐不卿

題杜少牧文浩殉節事實後

烈士感知己壯夫羞苟生隻身捍大患豈為殉令名杜君尚書
裔忠孝夙所明官微膽則大捧檄隨南征單騎摩賊壘一呼千
人驚彼蒼未厭亂泉窺戕鸞麟戕我兩觀察張君汝瀛玉畢命同

小匏庵詩存卷一

三

遠巡君時憤填臆赤手思屠鯨結纓俱死之灝氣還太清屍無
馬革裹碧血香千春側聞有義士遺骸收莽榛君殉節後有鄉人得其脛骨一
持歸麻城秀水周君子權以三十黃金贖駿骨葬於麻城吾
宗一指墓與君符堅貞揚州先期斷一指寄歸燭葬今名其墓
為一指墓作詩告桑梓先後流英聲

白峒岨走山路雜咏得四首

客路常憐馬高鞍控玉街商量避塗潦宛轉度巉岨行店紅花
埠居人白木棧急裝衝雨過短後襲油衫
古佛山門坐青駝寺深寥僧緣貧賣藥地為瘠栽薔春樹鶯何
寂長途馬不驕旅懷清似水合負許由瓢
行過蒙陰縣山光未斷青曉霞麗城郭流水澹郊垌驛路逢寒
食深杯勸客星花開非故國那有玉驄停

一騎出鄒縣五朝逢泰安天門高日觀迎面不勝寒雲氣排金
闕松陰護石壇何當凌絕頂直北
帝京看

羊叔子墓

下馬羊流鎮荒墳夕照明人思晉太傅里住魯諸生羽化金鑲
蝕苔封石碣橫春風揚汶水蕩漾有餘情

泰安道上逢雨

水行苦阻風陸行苦阻雨流轉千里間戚戚少樂土晨策疲泥
塗我馬陷雨股夕軼却店投穿漏坐廊廡今朝泰岱顛素雲起
如堵松柏青模糊日觀迷處所娛目豈不佳羈愁鬱誰語魯酒
尚可沽獨酌助懷古

狡童篇

小匏庵詩存卷一

南

燕京多狡童結束炫羅綺隸名樂部中少住吳門裏能嫺北里
歌突過東山坡名園散華筵廣坐交珠履堂上氍毹鋪席中絲
竹起纖步一登場曼聲發皓齒座間諸大老持贊顧之喜尚書
有沈范貴戚多許史鳳綬霍銀青魚袋飾金紫法曲猶繞梁纏
頭動盈几欣賞索杯盤評量停箸七冠蓋散薄暮車馬若流水
喧逐大道旁歸來幸屋底狎客爭相誇今日快無比是夜江南
臣飛章告

天子具言流寇狂中丞新戰死吉撫軍在鎮江殉難

題睢州湯文正公集後

公以詞科顯文章道始尊大江流惠澤洛水得淵源士女青天
戴喪鰥白日奔良知真作用誰敢薄王門
丙辰補散館改官滇南別都下諸公

客中作客江鄉遠山上有山棧路開公等不忘送臨賀勞人無
分住天台子初滿選職學台州仙居瓊樓玉宇尋殘夢瘴雨蠻
煙問劫灰他日縣以本省同選改學浪寄都重訪舊碧桃花下一徘徊

旅店

郵店小容膝風光亦自殊水槽剗樹腹石几截碑跌卻解供雞
黍還能給馬芻一燈照塵榻清夢到孤蒲

清風店

宋娟題壁今無字石將屯兵尚有場多少英雄兒女或乳鴉啼
月滿街霜李崆峒有石將軍戰場歌紀石亭勤王事在清風
同年張石石世標時宰南和迂道往訪留談一日詩以誌

別

天涯同薄宦而我歎勞薪迢遞經年別間關萬里身不圖官舍

小匏庵詩存卷一

五

下復與故人親見面翻嫌晚西窗剪燭頻

相見復相別明朝驛路長秋風起寥闊時事感蒼茫後會期何
地神交各一方願分宋臺月流照碧雞鄉

捕蝗歌寄示石石

嗟爾蝗實繁有徒百千萬億來須臾盤踞禾田為墟厥病在
人附骨疽今夏早魃張喙噓之蟲紛起不可鋤趨起雨股暴暴
暨拚飛竟敢過帝都帝在靈固顧曰吁大詔司牧行捕除
張侯治行中牟符蝗不入境民懽愉尚恐隣孽侵四隅懸令購
捕張通衢小民苦蝗切肌膚斯夕搜剔窮草蕪囊括攜束不得
通羣躋公堂來獻俘張侯謂此當盡誅大呼湯鑊烹區區紅然
葉炬騰地爐焦頭爛額形模糊亦有跋扈不受拘闔然漏網逃
燼餘死者枕藉填溝渠蠕蠕強作絳市蘇蠖蚋跋蹇相支吾曲

踊尚能三百無連年寇賊纏楚吳閶樓堆地肝腦塗蟲沙羽化
理非誣雨曹得毋變幻軀農夫負未苦拮据大肆蠶食胡為乎
況有跳躍緣草苴厥名曰蝻朋類呼狼狽相比傷我奮一例撲
殺今伏辜敬告田祖煩史巫臘月當令雪片蠹蝗子入土尋丈
餘明年勿復留根株

河陽道上

荒雞一聲百蟲寂殘星在天風淅淅鈴駝夢過河陽滿縣花
飛是蘆荻

重九日在彰德道中

九日沈陰霜信催荒荒白日墮城隈寒蔬薄酒不成醉野菊山
黃無主開漳水夾流通上黨燕雲回望抵蓬萊故鄉兒女今宵
樂小隊紅旗祀寇來不俗重九以豆飯菜糕祀

小匏庵詩存卷一

六

漢孝子丁蘭故里

烏鳥城頭噪秋原落照時車驅河內地里表漢人碑薄宦憐萍
梗高堂有鬢絲採薇無限思雲起太行陲

山麓土壁高數仞土人穴壁而居頗有古風

陶穴仿邠俗無憂風雪侵客疑穿塚入功是鑿坏深屋背牛羊
臥牀頭蟋蟀吟江南王謝宅何處畫堂尋

苦酒歌孫秦之問酒有醇酸苦三

夢蟲食夢守故枝不知葵薺甘如飴萬物悅性即為適豈隨時
俗為遷移洛陽古稱佳麗所市上酒肆羅參差青絲絡瓶行就
貫忽聞主人前致辭甜酸與苦品各別嗜好棄取君何施吾身
以酒為性命此中甘苦頗自知酸者味劣配薑蕢自鄙以下無
譏訾世上盡愛甘醴好我獨飲醜母乃癡平生正坐作詩苦文

園病渴時斂眉淺斟細酌有回味雋永如讀于瀆詩況乃狂態亦偶發往往過飲神爲疲陳筴玩占得水澤苦節謹守庶無疵醉後感時起長歎誰能嘗膽扶傾危不如高枕學偃臥黑甜之鄉容我嬉

過孟縣渡黃河

城外黃河河上山山同抱作重關津船逆渡經三折星海分流見一灣掉臂嵩門行在望吟詩洛社幾時閒滔滔南北從茲判那不臨歧淚暗潛

七十二疑塚

賣屨分香喚奈何阿瞞巧覩漢山河君看到死雄心盡尙占劉家土許多

山行

小匏庵詩存卷一

七

四面山光斷復連卻從山徑入寒煙陰崖老樹留雲宿曲澗迴湍湏石圓籬落秋深瓜蔓熟井欄人去轆轤懸結廬尙有高人在應厭車聲攪午眠

函谷舊關懷古

在靈寶縣

自昔雄關百二重桃林形勢抱諸峯孟嘗夜度眞如鼠老子東來本是龍兩陝此間同峽束一丸漫道可泥封祇今惟有秦時月照見衝寒旅客蹤

入秦

西渡黃河境更奇紀行連日有新詩滿橋水是離人淚秦嶺雲如美女姿秦雲如美挾策漸多騎馬客開疆舊說牧牛兒唐陵漢寢同蕭瑟何處園官問奉祠

潼關道中

近山雲氣雜晴陰戍鼓聲中警客心日落黃河金鱗色風號蒼檜鐵龍吟潼關四扇寒煙蕩太華三峯積翠深匹馬清時攬轡過新豐有酒且頻斟

過鴻門坂感賦

軍門開鼓如雷兩雄高譙謀臣陪手提佩玦晚不語鴟鵂對舞鋒交摧屠巢老翁不解事眞龍出入無死地但勸項王殺劉季不諫項王弑義帝九鼎終歸大度人亞父何曾有奇計

紫柏山下謁留侯祠

朝辭赤帝宮暮謁赤松子留侯陶朱儔軒冕等敝屣後來羽衣流那解黃石旨張魯爾何人符籙守故紙辟穀方不傳戀戀五斗米

華陰道上望太華放歌

小匏庵詩存卷一

大

人生不能仗劍殺賊如李藥師險語矢誓金天祠又不能入山棲隱如陳希夷抱雲夢軒與義英雄神仙兩無就敝車西走華山陞華山生平目未見捧檄茲來覩生面九秋氣爽天宇高咫尺層巒遞隱現仙掌峴玉女峯世間勝境不易逢煙雲出沒悅難辨但見矗立千丈青芙蓉當年韓昌黎賈勇相攀躋嶺仄路絕不得下投書痛哭愁無梯古人自慨不得志豈畏一跌填深谿今我遠營一囊粟官家程期苦迫促名山在眼不暇登始信風塵作吏俗會須東歸謝折胥西湖山水相招邀呼兒肩負大酒瓢縱游林壑忘昕宵醉時使臥蒼翠裏母使山靈笑我勞人勞

木棉花

桑麻陰裏望依稀稠白花開梔子肥萬翅圓如蝴蝶宿一羣暖